



partii naleraq

UKA 2017/007-03

22-11-2017

2018-imut aningaasanut Inatsisissatut siunnersuutip pingajussaanneerneqarnera.

(Aningaasaqarnermut Akileraartarnermullu Naalakkersuisoq).

2018-mut aningaasanut inatsisissatut siunnersuutip pingajussaanneerneqarnerani su-liap siullermeerneqarnerani aappassaanneerneqarneranilu Partii Naleqqamiit oqaaseqaa-tivut innersuussutigalugit suliap pingajussaanneerneqarnerani imannak naatsumik o-qaaseqaateqassuugut:

Siullermik Partii Naleqamiit nuannaarutigalugu nalunaarutigissuarput suliami aali-sakkat akitsuuserneqarnissaannut Naalakkersuisut siunnersuutaat Partii Naleqqamiit tamakkiisumik akuerisinnaangisarput pillugu naalakkersuissoqatitsinnit Siumimiit aamma inuit Ataqtigiinniit naaperiaaffigineqarluta akitsuusiiniarnerup aalisakkat i-laannut atuuttussaajunnaarsinneqarnissaa anguneqartussanngormat, tassanilu pingaar-tumik aamma raajanut akitsuusiisoqassappat aatsaat tamanna atuutilersinnaasoq raajat kg-mut 8 kr-ini sinnerlugu akeqalissangaluarpata.

Aamma assut Partii Naleqamiit nuannaarutingaarput kallerup innerata erngullu akiisa 2018-miit malunnaatilimmik aappartinneqartussanngornerat tassa pingaartumik ilaqu-tariinnut pissakinnerusunut, avinngarusimasuni najungalinnut aammalu akunnatsumik isertitalinnut ulluinnarni taakku inuuniarnerannut iluaqutaasumik malunniuttussaam-mat.

Soorunami meeqqanut inuusuttunullu suliniutit assigiinngitsut aamma innarluutilinnut siusinaartumillu sulisinnaajunnaarneruutinnut pitsanngorsaatissanut suleqataanerput aamma naammagisimaarparput, naak suullunniit anguneqarsinnaasut allat kissaativut piumasavullu tamakkerlugit ataatsikkut angusinnaangikkaluarlugit, taamaattoq sulii-arpasuit assigiinngitsut siumut kivitseqataaffigisinnaangatsigit iluaraarput.

Taamaammallu aamma aningaasanut inatsisissatut siunnersuut tunngaviatigut partiinit naalakkersusoqatigiinniit akuerineqartussanngorlugu atsioqatigiissutigineqarmat akissusaaqataanerput tassuuna nalunaarlugu atsioqataalluta. Aamma tassunga naaper-tuuttumik akuersilluta taaseqataajumaarpugut.

Nalunaarutigisareerparput nunatta siuarsarneqarnissaanut Partii Naleraq akisus-saaqataallunilu suleqataajuarusummat, pingaartumik nunatta innuttaasullu nammineer-nerulernissaat angujumallugu.

Taamaattumik kommunit Namminersorlutik Oqartussallu missingersuutaat naatsor-suutaallu pillugit inatsisartut inatsisaanni nr. 26, 28. november 2016-imersumi Nam-minersorlutik Oqartussat naatsorsuutaanni sinneqartoorutitik atuneq pillugu male-ruaqqusat aaliangersarneqarsimasut naapertorlugit siunissamut ungasinnerusumut isu-mannaatsuunissaq, sapinngisamik annertunerpaamik iluanaaruteqarnissaq aammalu i-nuiaqatigiit aningaasaqarnerannut sapinngisamik pitsaanerpaamik sunnuteqartitsinis-saq siunertaralugu aningaasaateqarfimmi aningaasat aningaasalersuutitut atorneqar-nissaat toqqammavissinneqartoq aamma Partii Naleqqamiit peqataaffigisimasarput tunngavigalugu timmisartunut suluusalinnut mittarfiliortiternerit aningaasalersor-neqarnissaat matumuuna erseqqissarneqarmat Partii Naleqqamiit paasilluarparput.

Malunginiarparput mittarfiliortiternernut aningaasalersuinissat pillugit nassuiaatini i-laatigut bilitsinut aningaasartuutit appariarnissaat naatsorsuutigineqartoq.

Soorlu naluneqanngereersoq Partii Naleqqamiit assut pingaartikkiptu ilaqutariit pis-sakinnerit akunnattumillu isertitaqartartut akikinnerusumik angalasalernissaat. Taman-na qaqugu piumaassanersoq naalakkersuisuniit naatsorsuutigineqarpa ?

Taassuma pissangalluta akineqarnissaa utaqqivarput neriuppugullu suluusalinnik mit-tarfiliortiternerit aallarteqqaaneriniit taamanikkut neriorsuutigineqarsimasut, soorlu as-sersuutigalugu uku:

- Bilitsit akikillineqarnissaat,
- Aalisakkat nutaajutillugit timmisartut atorlugit nunanut allanut niuerutigineqar-nissaat,
- Takornarissat 61.000 –it tikittalernissaat il.il.

Maannamummi taakku taamanili neriorsuutit suli tamakkiisumik timitalerneqarsiman-ngitsut assigalugit pisoqassanngitsoq neriuutigeqaarput, tassami asuli inuiaqatigiinnik isumalluarsaarineq Partii Naleqqamiit pisussisamisoorutut isiginnginnatsigu.

Ukulu oqaaseqaatini nassuiaatit ilaat imaattut:

“Aktiaateqarluni ingerlatseqatigiiffinit immikkut ittumik iluanaarutinit aningaasa-liinissamut atatillugu ingerlatseqatigiiffiit iluanaarutinit inatsimmi maleruaqqusat a-tuuttut malillugit tunniunneqartariaqarput. Oqaasertaliussami annertussuttip aaneqar-tup annertoqataanik

iluanaaruteqangippat aktiaatinit katillugit 100 mio. kr.-nik nalilin-nik tunisinissamut Naalakkersuisut piginnaatinnearput”.

Erseqqissarusupparput Partii Naleqqamiit assut pingaartikkatsigu, inuiaat kalaallit nammineerusuttut nalilinnik peqartuarnissaat pingaaruteqarmat. Aktiaatinillu tunisiso-qassappat, taakku maani nunaqavissunut tuniniarneqarnissaat piumasaqaataasaria-qartoq isumaqarpugut.

Taamaammatt nassuiaatiniit issuakkatta sukumiisumik itisilerlugu nassuiaateqarfigi-neqarnissaa piumasaraarput.

Aamma isumaqarpugut Namminersorlutik Oqartussat pappilissanik nalilinnik niueruteqarsinnaanermut pilersitsinissamik periarfissarsiuussisoqartariaqartoq.

Erseqqissaatigeqqissuarput mittarfiliortiternissanut pilersaarutit tunngaviatigut taper-seratsigit, taamaattorli qulakkeerusupparput inuiaqatigiinni pissakinnernut akunnat-tumillu isertitaqartunut immikkut artukkiisoqannginnissaa.

Taamma naatsunnguamik oqaaseqaqqilluta akileraartarnermut akitsuutinullu ataatsi-miititaliap isumaliutissiisutaa akueralugu tusaatissatut tiguarput.

Anthon Frederiksen